



RESOLUSI

MAWQIF

MESYUARAT MAWQIF BIL. 01

4 APRIL 2026



HUBUNGI KAMI:

Admin Sistem

Info@multaqaalmaarif.com

RESOLUSI

MAWQIF

MESYUARAT MAWQIF BIL. 01

4 APRIL 2026

BARISAN FELO SISTEM

MULTAQA AL-MA'ARIF POINT

BUTIRAN

MESYUARAT MAWQIF BIL. 01

Hari : Sabtu

Tarikh : 4 April 2026

Waktu : 21:30 – 23:02

Platform : Dalam talian, Streamyard

ISI KANDUNGAN

Isi Kandungan	3
Kata Alu-Aluan Ketua Eksekutif Felo	5
Petunjuk Mawqif:	7
Agenda 1:	
ISU MEMIJAK MUSHAF AL-QURAN AL-KARIM	8
Agenda 2:	
PENDIRIAN UMAT ISLAM: IRAN VS ISRAEL/AMERIKA SYARIKAT	10
Agenda 3:	
KENYATAAN MEMASTIKAN (JAZM) SESEORANG MATI SYAHID	14
Agenda 4:	
HUKUM PELAKSANAAN SOLAT JUMAAT PADA HARI RAYA	17
Agenda 5:	
KAEDAH PENETAPAN BULAN HIJRI BAHARU	19
Agenda 6:	
MENGGABUNGKAN PUASA 6 SYAWAL DENGAN PUASA QADA'	20
Agenda 7:	
HUKUM BERMAIN MERCUN (KONTEKS: UMUM/HARI RAYA)	22
Agenda 8:	
SOALAN: ZAKAT FITRAH TAK SAH JIKA MAKAN BASMATHI	26
Agenda 9:	
HUKUM BAYAR ZAKAT BUAT PIHAK BUKAN TANGGUNGAN	27
Agenda 10:	
DERMA DARAH KETIKA BERPUASA, BATAL ATAU TIDAK	28
Agenda 11:	
STATUS HADITH TANDA-TANDA LAYLATUL QADAR	30
Agenda 12:	
ALTERNATIF HADITH DA'IF FADILAT BERSEDEKAH	31

Agenda 13:

DALIL SUAMI WAJIB MEMBERI PAKAIAN BAHARU SETIAP 6 BULAN 32

Agenda 14:

MUSAFIR NIAT JAMA' TA'KHIR & TIBA DI LOKASI LEBIH AWAL 34

Rujukan 35

KATA ALU-ALUAN KETUA EKSEKUTIF FELO SISTEM

Ketua Eksekutif Felo

BARISAN FELO SISTEM MULTAQQA AL-MA'ARIF



**AL-USTAZ ABU MUSLIM
SYIMIR ASYRAAF BIN EDDIE HALIM**
FELO UTAMA
FELO KANAN (HADITH/AKIDAH)
CALON PHD HADITH, UNIVERSITI SAINS MALAYSIA

Segala puji bagi Allah 'azza wa Jalla, Pencipta sekalian Alam. Selawat dan salam ke atas junjungan Besar Nabi Muhammad ﷺ, ahli keluarga Baginda ﷺ, para Sahabat dan orang yang mengikuti jejak langkah mereka dengan baik.

Dengan penuh rasa syukur ke hadrat Ilahi, saya merakamkan penghargaan atas penerbitan Resolusi Mawqif Mesyuarat Mawqif Bil. 01, yang menjadi manifestasi kesungguhan dalam meneliti, membahaskan dan merumuskan pendirian terhadap isu-isu semasa berteraskan disiplin ilmu yang sahih dan pendekatan yang berautoriti.

Resolusi ini bukan sekadar catatan perbincangan, bahkan merupakan natijah daripada proses ijtihad jama'i yang mempertimbangkan dalil-dalil syarak, realiti semasa serta maqasid yang seimbang. Ia diharapkan dapat menjadi panduan yang jelas kepada masyarakat serta rujukan yang diyakini dalam menghadapi pelbagai persoalan yang timbul.

Saya juga ingin merakamkan setinggi-tinggi penghargaan kepada seluruh ahli jawatankuasa, para penyelidik, serta semua pihak yang telah menyumbang idea, tenaga dan kepakaran dalam menjayakan mesyuarat ini. Komitmen dan kesungguhan yang ditunjukkan mencerminkan amanah besar dalam memelihara ketepatan ilmu dan kejelasan pendirian.

Akhir kata, semoga resolusi yang dihasilkan ini diberkati oleh Allah ‘azza wa Jalla, diterima sebagai amal soleh, serta memberi manfaat yang luas kepada umat. Mudah-mudahan segala usaha ini menjadi sebahagian daripada sumbangan kecil dalam memperkukuhkan kefahaman agama dan membimbing masyarakat ke arah kebenaran.

Sekian, Jazākumullāh Khayrā.


SYIMIR ASYRAAF BIN EDDIE HALIM

PETUNJUK MAWQIF

MM : Mesyuarat Mawqif

01 : Bil. 01

01 : Mawqif ke-01

04 : Tarikh MM

04 : Bulan MM

26 : Tahun MM

KEPUTUSAN:

Barisan Felo memutuskan bahawa menderma darah ketika berpuasa tidak membatalkan puasa. Namun, penderma hendaklah mengambil kira tahap kesihatan dan memastikan kekuatan untuk terus berpuasa tetap ada. Sekiranya tindakan tersebut memudaratkan diri, ia termasuk skop perkara yang ditegah oleh syarak.

Nombor Siri Mawqif:

MM/01/7 (04/04/26)

Penjelasan:

Isu menderma darah merupakan masalah kontemporer dan kebiasaannya ahli ilmu menyamakan hukumnya dengan hukum berbekam. Ahli ilmu berbeza pendapat mengenai hukum berbekam buat orang yang berpuasa wajib:

- a. Pendapat pertama: Puasanya batal

Ahli ilmu yang berpendapat sebegini, kerana mereka berpegang dengan hadith berikut:

أَفْطَرَ الْحَاجِمُ وَالْمَحْجُومُ

Maksudnya: “*Terbatal (puasa) orang yang membekam dan yang di bekam*”.

(HR. Ibn Mājah dalam *al-Sunan* no. 1679)

Hadis ini dinilai sebagai *mawqūf* oleh Yahya ibn Ma'in dan bukan *marfū'*. Walau bagaimanapun, ahli ilmu yang berpegang dengan hadith ini melakukan qiyas antara bekam dan keadaan seseorang yang menderma darah. Berdasarkan pendekatan ini, mereka berpendapat bahawa perbuatan menderma darah boleh membatalkan puasa kerana diqiyaskan dengan bekam.

- b. Pendapat kedua: Puasanya tidak batal

Ini adalah pendapat jumhur ulama. Golongan ini berhujah dengan hadith berikut:

اَحْتَجَمَ النَّبِيُّ صَلَّى اللهُ عَلَيْهِ وَسَلَّمَ وَهُوَ صَائِمٌ

Maksud: “*Rasulullah ﷺ telah berbekam dan Baginda sedang berpuasa.*”

(HR Al-Bukhārī dalam *al-Ṣaḥīḥ* no. 1939)

Golongan ini berpendapat bahawa hadith riwayat Ibn Mājah yang menyatakan batalnya puasa bagi orang yang berbekam adalah mansukh. Wa Allāh a‘lam.

Sehubungan itu, Barisan Felo cenderung untuk berpegang dengan pandangan jumur ulama yang berpendapat bahawa perbuatan menderma darah ketika berpuasa tidak membatalkan puasa. Walau bagaimanapun, perbuatan tersebut hendaklah dilakukan dengan mengambil kira tahap kesihatan individu, serta tidak membawa kepada kemudharatan atau melemahkan tubuh sehingga menjejaskan ibadah puasa.

Cadangan:

Barisan Felo menyarankan agar umat Islam yang berhasrat untuk menderma darah melaksanakannya pada waktu berbuka puasa. Hal ini adalah lebih afdal sebagai langkah berhati-hati dalam memelihara kesempurnaan ibadah puasa serta mengelakkan sebarang kemungkinan yang boleh menjejaskan keadaan tubuh badan sepanjang berpuasa.

